

全唐詩目 第五函

第七冊全

崔元翰 獨孤良器 高崇文 羅珣

皇甫澈 張登 韋執中 邵真

何頻瑜 駱浚 羅讓 共二卷

陳京 韋渠牟 竇參 盧羣

韋臯 李愿 王智興 表高

崔子向 張署 歸登 共二卷

朱放 一卷

武元衡 二卷

李吉甫 鄭綯 鄭餘慶 趙宗儒

柳公綽

張正一

徐放

崔備

蕭祐

王良士

獨孤實

盧士政

于放

皇甫鏞

共二卷

顏粲

徐敞

張聿

麴信陵

張正元

王履貞

彭伉

林藻

李觀

李絳

崔樞

陸復禮

李正辭

張嗣初

許康佐

許堯佐

李君房

杜羔

車絙

共一卷

全唐詩

崔元翰

崔元翰名鵬以字行博陵人擢進士第一人又舉宏詞
歷官禮部員外知制誥終比部郎中集三十卷今存詩
七首

奉和聖製三日書懷因以示百寮

佳節上

一作
尚

元已芳時屬暮春流觴想蘭亭捧劍傳金人

風輕水初綠日遲

一作
晴

花更新天文信昭回皇道頗敷陳

恭己每從儉清心常保真戒茲遊衍樂書以示羣臣

奉和聖製重陽旦日百寮曲江宴示懷

偶聖覩昌期受恩慙弱質幸逢良宴會況是清秋日遠

岫對壺觴澄瀾映簪綬炮羔備豐膳集鳳調鳴律薄劣
廁英豪歡娛忘衰疾平臯行雁下曲渚雙鳬出沙岸菊
開花霜枝果垂實天文見成象帝念資勤恤探道得玄
珠齋心居特室豈如橫汾唱其事徒一作從驕逸

奉和聖製中元日題奉敬寺

妙道非本說殊途成異名聖人得其要俱以化羣生鳳
吹從上苑龍宮連外城花鬘列後一作廣殿雲車駐前庭松
竹含新秋一作韻軒窗有餘清緬懷崕峒事須繼簫管一作聲
離相境都寂忘言理更精域中信稱大天下乃爲輕屈
已由濟物堯心豈所榮

奉和登玄武樓觀射即事書懷賜孟涉應制

寧歲常有備殊方靡不賓禁營列武衛帝座彰威神講
事一臨幸加恩徧撫巡城高鳳樓聳塲迥獸侯新飲羽
連百中控弦踰六鈞揀材盡爪士受任皆信臣尤賞文
藻麗便繁心膺親復如觀太清昭爛垂芳辰

清明節郭侍御偶與李侍御孔校書王秀才遊
開化寺臥病不得同遊賦得十韻兼呈馬十八
郎丞公

山色入層城鍾聲臨複岫乘閑息邊事探異憐春候曲
閣下重階迴廊遙對雷石間花徧落草上雲時覆錯火
見樵人飲泉逢野獸道情親法侶時望登朝右執憲糾
姦邪刊書正訛謬茂才當時選公子生人秀贈荅繼篇

章歡娛重朋舊垂簾獨衰疾擊缶酬金奏

雜言奉和聖製至承光院見自生藤感其得地
因以成詠應制

新藤正可翫得地又逢時羅生密葉交綠蔓欲布清陰
垂紫莖已帶朝光暖猶含輕露滋遙依千華殿稍上萬
年枝餘芳連桂樹積潤傍蓮池豈如幽谷無人見空覆
荒榛雜免絲聖心對此應有感隱迹如斯誰復知懷賢
勞永歎比物賦新詩聘丘園訪茅茨爲謝中林士王道
本無私

雨中對後簷叢竹

含風搖硯水帶雨拂牆衣乍似秋江上漁家半掩扉

獨孤良器

獨孤良器貞元中官右司郎中詩一首

皎潔沈泉水熒煌照乘珠沈非將寶契還與不貪符風
折璿成浪空涵影似浮深看星并入靜向月同無光價
憐時重亡情信道樞不應無脛至自爲暗投殊

高崇文

高崇文字崇文其先自渤海徙幽州崇文少籍平盧軍
貞元中隨韓全義鎮長武城累官金吾將軍全義入覲
崇文掌行營節度留務憲宗朝拜東川節度使西蜀平
封南平郡王同中書門下平章事卒諡曰威武詩一首

雪席口占

崇文宗武不崇文提戈出塞號將軍
那箇髀兒射雁落
白毛空裏亂紛紛

羅珣

一作炯

羅珣會稽人家於廬州貞元中刺本郡以治行聞再遷
京兆尹詩一首

行縣至浮查山寺

三十年前此布衣鹿鳴西上虎符歸
行時賓從過前寺
到處松杉長舊圍
野老競遮官道拜
沙鷗遙避隼旗飛
春風一宿琉璃地
自有泉聲愜素機

皇甫澈

一作澈

皇甫澈貞元中蜀州刺史詩四首

賦四相詩

并序

蜀州刺史廳壁記居相位者前後四公謨明弼諧遷
轉歷此顧已無取忝迹於斯景行遺烈嗟歎之不足
也謹述其行事詠其休美庶將來君子知聖朝之德
云爾

中書令漢陽王張柬之

周曆革元命天步值艱阻烈烈張漢陽左袒清諸武休
明神器正文物舊儀覩南向翊大君西宮朝聖母茂勳
鏤鐘鼎鴻勞食茅土至今稱五王卓立邁萬古

中書令鍾紹京

景龍仙駕遠中禁奸蠹結謀猷叶聖朝披鱗奮英節青
宮闈闔啟滌穢氛沴滅紫氣重昭回皇天新日月從容
廟堂上肅穆人神悅唐元佐命功輝煥何烈烈

禮部尙書門下侍郎平章事李峴

時來遇明聖道濟寧邦國猗歟瑚璉器竭我股肱力進
賢黜不肖錯枉舉諸直宦官旣却坐權奸一作亦移職載
踐每若驚三已無愠色昭昭垂憲章來世實作則

門下侍郎平章事王縉

舟楫濟巨川山河資秀氣服膺究儒業屈指取高位北
征戮驕悍東守輯攜貳論道致巍巍持衡無事事知已
不易遇宰相固有器瞻事華壁中來者誰其嗣

張登

張登南陽人江南士椽滿歲計相表爲殿中侍御史董
賦江南俄拜漳州刺史集六卷令存詩七首

上已泛舟得遲字

令節推元已天涯喜有期初筵臨泛地舊俗祓禳時枉
清潮新上殘春日正遲竹枝遊女曲桃葉渡江詞風鷁
今方退沙鷗亦未疑且同山簡醉倒載莫褰帷

送王主簿遊南海

平生推久要留滯共三年明日東南路窮荒霧露天曠
懷常寄酒素業不言錢道在貧非病時來醜亦妍過山
乘蠟展涉海附樓船行矣無爲恨宗門有大賢

重陽宴集同用寒字

錫宴逢佳節窮荒亦共歡恩深百日澤雨借九秋寒望
氣人謠洽臨風客以難座移山色在杯盡菊香殘欲識
投醪遍應從落帽看還宵須命燭舉首謝三官

仲秋夜郡內西亭對月

第七句
缺一字

天高月滿影悠悠一夜炎荒併覺秋氣與露清凝衆草
色如霜白怯輕裘高臨華宇還知隙靜映長江不共流
直西傾河漢曙遺風猶想武昌樓

冬至夜郡齋宴別前華陰盧主簿

并序
內缺一字

范陽盧君道漳以適越越人悅之稅車休徒三旬之
間然後飭行李之命時日南至登與賓客僚吏會別

於郡齋驪酒小夜夜艾酒酣而不能自己故咸請詩
之由是探韻而賦賦不出志大抵感時傷遠又美盧
君擇其所從而不惑 頌征南有奔走之德焉

虎宿方冬至雞人積夜籌相逢一尊酒共結雨鄉愁王
儉花爲府廬謀幄內璆明朝更臨水悵望嶺南流之
小雪日戲題絕句同尋隱真山不賦詩
甲子徒推小雪天刺梧猶綠槿花然融和長養無時歇
却是炎洲雨露偏

招客遊寺

江城吏散捲^{一作}春陰山寺鳴鐘隔雨深招取遺民赴僧
社竹堂分坐靜看心

句

孤高齊帝石蕭灑晉亭峰

見漳州名勝志

境曠窮山外城標漲

海頭

韋執巾

韋執中京兆人河南縣令歷泉州刺史詩一首

陪韓退之竇貽周同尋劉尊師不遇得師字

早尙逍遙境常懷汗漫期星郎同訪道羽客杳何之物
外求仙侶人間失我師不知柯爛者何處看圍碁

邵真

邵真成德軍李寶臣書記也寶臣子惟岳倚田悅拒命
真切諫不從兵敗召真議歸順悅遣扈炭來責惟岳懼

斬真以謝後王武俊表其忠贈戶部尙書詩一首

尋人偶題

日昃不復午落花難歸樹人生能幾何莫厭相逢遇

何頻瑜

何頻瑜建中中藍田尉詩一首

牆陰殘雪

積雪還因地牆陰久尙殘影添斜月白光借夕陽寒皎
潔開簾近清熒步履看狀花飛著樹如玉不成盤冰薄
方寧及霜濃比亦難誰憐高臥處歲暮歎表安

駱浚

駱浚起家度支司書後嘗典州郡有令名詩一首

題度支雜事典庭中柏樹

語林云度支使見此詩語李吉甫因顯用

幹聳一條青玉直葉鋪千疊綠雲低爭如燕雀偏巢此
却是鴛鴦不得棲

羅讓

一作
尙

羅讓字景宣迥之子少以文學知名舉進士宏辭賢良
方正皆高第歷尙書郎散騎常侍終江西觀察使集三
十卷今存詩二首

梢雲

一作
曹松

殊質資靈賦凌空發瑞雲梢梢含樹影

一作
影

郁郁動霞文

不比因風起全非觸石分葉光閑泛濫枝杪靜氛氲隱
見心無宰裴回慶自君翻飛如可託長願在橫汾